



Kei te Haere Mātau

nā Tipene Watson
nā Donovan Bixley ngā pikitia

Te Matapae

Ngā Mōhiotanga

Ngā Wheako
Whaiaro o Mua

He Whakatau – I mua i te pānuitanga i te pukapuka

- Me mātua whakatakoto te kaiako i tētahi tūāpapa mō te tamaiti kia kaingākau ai te tamaiti ki te pukapuka.
- Kia kaha ki te tō mai i ngā wheako whaiaro o te tamaiti e pā ana ki te horopaki.
- Me patapatai hei whakatenatena i te tamaiti ki te wānanga me te matapae i ngā kōrero o te pukapuka.

He tauira hei whakatau

1. Whakaaturia te uhi o te pukapuka ki te tamaiti. Uia ētahi pātai kia mōhio ai koe e pēhea ana ōna whakaaro mō te pukapuka.

Hei tauira: Kei te haere tēnei whānau ki hea? Kei te aha a pēpi? Kei te pēhea te āhua o te kōtiro? He aha ia i pērā ai? He paihikara tōu? Ka haere koe ki hea mā runga i tō paihikara?

2. Matapakihia te tapanga. Matapakihia ngā kārawarawa tuhituhi pēnei i ngā pū matua, ngā irakati, ngā tohu pātai me te aha noa atu.
3. Pātai atu: He aha ki tōu whakaaro te kaupapa o tēnei pukapuka?

Kupu Hou

- Me mātua whakaako te kaiako i ngā kupu hou i mua i te pānuitanga a te tamaiti i te pukapuka.
- Me wānanga te tamaiti i te tikanga o ngā kupu hou.
- Me rongō, me ako te tamaiti i te whakahua tika o ngā kupu hou.
- Me kite hoki te tamaiti i ngā kupu ā-tā o te pukapuka.

Te Whakaako i ngā Kupu Hou

- Kōrerotia ngā pikitia o te pukapuka
- Mahia he mahi whakaari
- Whakaaturia ētahi atu pikitia whai pānga
- Tautohua ngā kupu hou ā-tā.

He Ngohe

Hei Mahi 1: He ngohe kupu tēnei hei whakaū i ngā kupu hou o te pukapuka. I mua i te ako kupu ā-tā, me mōhio te tamaiti ki te tikanga me te whakahua tika o te kupu.

Hei Mahi 2: He ngohe whakarongo tēnei kia whai take, kia aro ai te tamaiti ki te whakahua o te reo i a ia e whakarongo ana ki te kōpae.

Ka whakaraupapahia e ia ngā pikitia, i a ia e whakarongo ana ki te kōrero. Hei muri mai ka titiro atu ai ki te pukapuka.

He Wānanga – I muri i te pānuitanga i te pukapuka

Hei Mahi mā te Kaiako

- Āta whakaritea ngā pātai
- Āta whakaakohia ngā kupu hou
- Whakaharataungia ngā kupu waiwai

Pātai arotahi: Kei te haere te whānau ki hea?

He whakamāramatanga

Te whakawhiti kōrero

- Ka whakawhiti kōrero te kaiako me te ākonga
- Ka whai wāhi te ākonga ki te pānui atu ki te kaiako
- Ka aroturuki te kaiako

He Tauira Pātai hei Whakapuaki Whakaaro

1. He aha te kaupapa o tēnei pukapuka?
2. I haere te whānau ki hea?
3. I haere te kōtiro mā runga aha?
4. He aha te kōtiro i ngenge ai?
5. Ki ōu nā whakaaro he pai ki tēnei whānau te hiko haere? He aha koe i mōhio ai?

Hei Mahitanga:

- Ko te whakarongo anō ki te kōpae
- Ko te pānui a te ākonga i a ia e whakarongo ana ki te kōpae
- Ko te pānui a te ākonga ki a ia anō me te kore kōpae
- Ko te pānui atu ki tētahi hoa
- Ko te whakaoti i tētahi atu Hei Mahi.

Hei mahi 3: He ngohe pānui

Hei mahi 4: He ngohe tuhituhi

Ingoa: _____ Te rā: ____/____/____

Kei te Haere Mātau

nā Tipene Watson

Whakahoahoatia te pikitia ki te kupu tika.

Whakamahia hei kēmu tākaro kāri (kēmu maumahara).



papa
tākaro

toa

kura

Te
Kōhanga
Reo

whare
karakia

kāinga







Ingoa: _____ Te rā: ____/____/____

Kei te Haere Mātau

nā Tipene Watson

I a koe e whakarongo ana ki te kōpae
whakaraupapahia ngā pikitia i runga i tāu i rongo ai.



Ingoa: _____ Te rā: ____/____/____

Kei te Haere Mātau

nā Tipene Watson

Me whiwhi:



kutikuti



kāpia

Whakapirihia ngā kōrero e hāngai ana ki ia pikitia.



Kei te haere mātau ki te papa tākaro.

Kei te haere mātau ki te toa.

Kei te haere mātau ki te kura.

Kei te haere mātau ki te whare karakia.

Kei te hoki mātau ki te kāinga.


Kei te haere mātau ki Te Kōhanga Reo.

Ingoa: _____ Te rā: ____/____/____


Kei te Haere Mātau

nā Tipene Watson

Ka hiahiatia:



pene rākau



Kei te haere mātau ki te papa _____.

Kei te haere mātau ki te t _____.

Kei te haere mātau ki te k _____.

Kei te haere mātau ki Te K _____ R _____.

Kei te haere mātau ki te wh _____.